



PROGRAM PODRŠKE MARGINALIZIRANIM GRUPAMA (PPMG)

SEPTEMBAR 2015.

OTVOREN SERVISNI CENTAR ZA PORODICU DJECE I OSOBA SA POTEŠKOĆAMA U RAZVOJU



Maureen Cormack, ambasadorica Sjedinjenih Američkih država u BiH na otvaranju Servis centra.

19.9.2015. svečano je otvoren banjalučki Servisni centar „Dajte nam šansu“ čije će aktivnosti provoditi Dječiji edukativni centar „Svjetlice“ nakon ranije potpisanog ugovora o dodjeli granta između Američke agencije za međunarodnu saradnju (USAID) i Udruženja porodica djece i osoba s poteškoćama u razvoju „Dajte nam šansu“ iz Sarajeva.

Otvorenje Servisnog centra „Dajte nam šansu“ u Banjaluci podržali su: Slobodan Mitrović - gradonačelnik Banjaluke, Maureen Cormack – ambasadorica Sjedinjenih Američkih Država u BiH koja je svečano otvorila Centar, Ines Kavalec – predsjednica Udruženja „Dajte nam

šansu“ i Željka Perišić – predsjednica Dječijeg centra „Svjetlice“. Podrška američkog naroda preko USAID-a, između ostaloga, ogleda u činjenici da će banjalučki Servisni centar, pored postojećeg Centra u Sarajevu, biti u mogućnosti pružati besplatnu podršku porodicama djece i osoba sa poteškoćama u razvoju neovisno o dobi, vrsti ili stepenu poteškoće svojih korisnika/ca. Neke od usluga su: psihološka potpora, edukacija nastavnog i volonterskog osoblja, te pomoć u kriznim situacijama.



Novootvoreni Servisni centar prije svečanog otvorenja

Otvaranje Servisnog centra “Dajte nam šansu - Svjetlice” je obilježilo početak nove etape za ravnopravne članove bh. društva - djecu i osobe s poteškoćama u razvoju. Dijete ili osoba sa poteškoćama u razvoju u BiH rijetko ima priliku za obrazovanje, zaposlenje, inkluziju i ravnopravno učešće u društvu. Pokretanje servis centara koji pružaju usluge djeci sa posebnim potrebama predstavlja doprinos ostvarenju ideje o društvu jednakih

SADRŽAJ

Otvoren Servisni centar za porodicu djece i osoba sa poteškoćama u razvoju „Dajte nam šansu“ u Banjaluci.....	1
Korisnici i partneri o otvaranju Centra	4
Školska oprema za dvije škole u Glamoču	4



USAID
OD AMERIČKOG NARODA



Milica Trubajić, korisnica Servis centra „Dajte nam šansu – Svjetlice“ prilikom svečanog otvorenja

šansi za sve. Rad centra se temelji na pružanju besplatnih usluga za porodice djece i osoba sa poteškoćama u razvoju, neovisno o dobi ili stepenu teškoće.

Osim inkluzivnog pristupa, otvaranje Servisnog centra je posebno značajno za porodice osoba sa poteškoćama u razvoju jer će imati potporu, savjet i drugačiju perspektivu odgoja i rada sa ravnopravnim članom/icom svoje porodice, ali i društva. Banjalučki Servisni centar „Dajte nam šansu“ je prvi centar ove prirode i namjene u Banjaluci i Republici Srpskoj. Ono što je naglasila i američka ambasadorica u BiH Maureen Cormack - jeste činjenica da su interesi društva uvijek isti kada su u pitanju djeca, te da je „Dajte nam šansu“ mjesto čija će vrata biti otvorena za svu djecu iz Banjaluke i njenih susjednih opština.

Centar je mjesto koje neće osnaživati samo žene-majke već i cijele porodice koje se svakodnevno suočavaju s osjećajem inferiornosti, nemoći ili potpune nevidljivosti njihove djece u društvu. Nažalost, ne postoji zvaničan registar djece i osoba s poteškoćama u razvoju koje trebaju sličan vid podrške neovisno o dobi i stepenu teškoće na području cijele BiH. Inkluzivna nastava,

specijalizirana obrazovna ustanova ili potpuno isključenje iz sistema školovanja zbog visokog stepena invaliditeta gotovo su jedine tri opcije s kojima se suočavaju porodice djece i osoba sa poteškoćama u razvoju. Napuštanje, zanemarivanje, diskriminacija i institucionalizacija postaju nepoznanica kada se njima i njihovim porodicama pruži prilika da se ostvaruju kao drugi.

Naziv projekta: Servis centar „Dajte nam šansu“

Trajanje projekta: 24 mjeseca

Vrijednost projekta: 527 444 KM

Partneri u provođenju: Udruženje za podršku porodicama djece i osoba sa poteškoćama u razvoju „Dajte nam šansu“ u saradnji sa Dječijim edukativnim centrom „Svjetlice“

Lokacije provođenja: Sarajevo (Općine Novi grad i Centar) i Banjaluka



USAID
OD AMERIČKOG NARODA

Približno trideset hiljada djece sa poteškoćama u razvoju u BiH podršku dobiva isključivo u vlastitoj porodici, nekoj instituciji ili kroz sporadično obrazovanje. Dijete ili osoba sa poteškoćama u razvoju u BiH rijetko ima priliku za obrazovanje, zaposlenje, inkluziju i ravnopravno učešće u društvu. Otvaranjem drugog Servisnog centra „Dajte nam šansu“ u BiH, pored već postojećeg u Sarajevu, ove činjenice postepeno postaju prošlost. Inkluzija nije način na koji se ove osobe uključuju u procese u svojim zajednicama, već način na koji se te zajednice prilagode prvenstveno njima, ali i njihovim porodicama kroz adekvatne programe, podršku, aktivnosti.



Korisnici/e Centra koji su spremili prigodan performans za svečano otvorenje

Približno trideset hiljada djece sa poteškoćama u razvoju u BiH podršku dobiva isključivo u vlastitoj porodici, nekoj instituciji ili kroz sporadično obrazovanje. Dijete ili osoba sa poteškoćama u razvoju u BiH rijetko ima priliku za obrazovanje, zaposlenje, inkluziju i ravnopravno učešće u društvu. Otvaranjem drugog Servisnog centra „Dajte nam šansu“ u BiH, pored već postojećeg u Sarajevu, ove činjenice postepeno postaju prošlost. Inkluzija nije način na koji se ove osobe uključuju u procese u svojim zajednicama, već način na koji se te zajednice prilagode prvenstveno njima, ali i njihovim porodicama kroz adekvatne programe, podršku, aktivnosti.

„Svi imamo iste interese kada se radi o dobrobiti naše djece.“

Izjava Maureen Cormack, ambasadorice Sjedinjenih Američkih država u BiH, prilikom otvaranja Centra

Ukratko: Dvogodišnji projekt koji se implementira u vidu esencijalne podrške radu postojećeg, ali i otvaranju dva nova Servis centra u Sarajevu i Banjaluci. Rad centara se temelji na pružanju besplatnih usluga za porodice djece i osoba sa poteškoćama u razvoju neovisno o dobi ili stepenu teškoće.

Na dan otvorenja Servisnog centra „Dajte nam šansu - Svjetlice“ u Banjaluci Milica Trubajić, djevojčica s Downovim sindromom, čije su slike ukrasile prostor novoootvorenog centra, recitacijom i osmijehom je dočekala svoje vršnjake, goste i medijske ekipe. Sretna je jer je, kako kaže, dobila mjesto za igru i druženje. Za Milicinu porodicu Centar je novi podstrek u odgoju i razvoju njihove kćerke koja je dobila mogućnost da s njom radi tim stručnjaka - educirani nastavni i volonterski kadar.



Uređenje novoootvorenog Servis Centra u Banjaluci



USAID
OD AMERIČKOG NARODA

KORISNICI I PARTNERI O OTVARANJU SERVISNOG CENTRA ZA PORODICU DJECE I OSOBA SA POTEŠKOĆAMA U RAZVOJU „DAJTE NAM ŠANSU“ U BANJALUCI

„Sretni smo da možemo vidjeti kako civilno društvo, roditelji i vlasti zajedno na tome da poboljšaju kvalitet života najosjetljivije i najvažnije kategorije društva – a to su naša djeca.“

Maureen Cormack, ambasadorica Sjedinjenih Američkih država u BiH

„Problem je nekada ostaviti dijete ili ga morate voditi sa sobom. Jednostavno Vam treba mjesto gdje ga možete sa sigurnošću ostaviti, gdje su ljudi koji znaju šta njima treba, kakve su njihove potrebe i da su socijalizovani, a ne da ostaju sami.“

Vera Višić, roditelj

„Imamo izuzetno uređen prostor za djecu sa poteškoćama u razvoju i njihove porodice kako bi stvarali kutak ili uslove da oni mogu da žive jednim normalnim životom.“

Slobodan Gavranović, gradonačelnik Banjaluke

„Kad postanete roditelj djeteta sa poteškoćama u razvoju Vi ste na neki način kažnjeni zato što ste u društvu kao crna mrlja. Da bismo pružili mogućnost ovim porodicama barem voditi brigu o svom zdravlju, barem voditi brigu o svom tipičnom djetetu – tipično dijete biva zanemareno zato što se bavite djetetom koje 24h iziskuje Vašu pažnju – Servis centar pruža upravo ovakav tip usluge, gdje dijete, osoba, može boraviti maksimalno četiri sata po potrebi gdje s njima rade stručnjaci.“

Ines Kavalec, predsjednica Udruženja „Dajte nam šansu“, Sarajevo

ŠKOLSKA OPREMA ZA DVIJE ŠKOLE U GLAMOČU

Nekolicina škola u Kantonu deset se konstantno suočava sa problemima poput: niske razine ekonomskog razvoja, visoke stope nezaposlenosti, siromaštva, masovnog odliva stanovništva. U skladu s tim – ni funkcioniranje odgojno-obrazovnih institucija nije na najvišem nivou, posebno u svrhe sprečavanja odliva stanovništva i usavršavanja kadra koji može doprinijeti boljem sutra cijele zajednice. Tako se rodila ideja za projektom „Poboljšanje kvalitete

škولstva u Glamoču". Kako Centar za građansku suradnju više od dvadeset godina pomaže školama, učenicima/ama i nastavnicima/ama u unapređenju uvjeta izvođenja nastavnog procesa, pokrenuta je inicijativa kroz koju je Centar, kao glavni partner projekta, nastavio svoju viziju. Kroz ovu aktivnost dvije glamočke škole, jedna osnovna i jedna srednja, dobijaju podstrek u kvalitetnijem izvođenju nastave kroz modernu opremu za kabinete, računare, tehničku i drugu opremu neophodnu za izvođenje praktične nastave za stručna usmjerenja. Sama inicijativa je motivirana željom da se u sredini kakva je Glamoč pokuša utjecati na reduciranje odliva stanovništva, nezaposlenosti i siromaštva kroz kvalitetnije školovanje koje zaslužuje svako dijete u svakoj zajednici širom BiH. S obzirom na to da se glas manjih društvenih zajednica u BiH vrlo često zanemari, inicijativa je ujedno i način da se skrene pažnja na jedan od najvažnijih segmenata budućnosti bh. društva – a to su djeca.



tehnička oprema za izvođenje nastave iz različitih predmeta, te pomagala neophodna za izvođenje nastave sporta i tjelesnog odgoja što poboljšava nastavu i vannastavne aktivnosti koje su u ovoj školi veoma zastupljene u svim predmetima.


Navedena oprema je značajno unaprijedila kvalitetu izvođenja nastave u Glamoču za preko 400 učenika/ca osnovne i srednje škole.



Učenič/e Osnovne škole Glamoč sa opremom za tjelesni odgoj

Srednjoj školi „Tin Ujević“ je u okviru ove inicijative na korištenje predana moderna oprema za kabinet hemije koja će učenicima/ama i nastavnicima/ama u mnogome olakšati izvođenje eksperimenata, praktičnih vježbi i demonstracija iz ove naučne oblasti. Također, na korištenje su predani računari i tehnička oprema za kabinet informatike, te neophodna oprema za izvođenje praktične nastave iz domena ugostiteljstva.

Osnovnoj školi „Glamoč“, između ostalog, je dodijeljena



Školama je predana tehnička i druga oprema neophodna za izvođenje praktične nastave

USAID - Program podrške marginaliziranim grupama (PPMG)

Program provodi Institut za razvoj mladih KULT
u partnerstvu sa NGO & BUSINESS AUDIT d.o.o.

Ul. 4. viteške brigade 34-36 • 71210 Ilidža • Bosna i Hercegovina

T: +387 33 778 766

F: +387 33 778 779

www.ppmg.ba